

2010 жылға дейін Астана қаласында жауын су канализациясы жүйесін дамыту бағдарламасы туралы

Күшін жойған

Астана қалалық мәслихатының шешімі 2002 жылғы 2 мамырдағы N 157/30-II. Астана қалалық Әділет басқармасында 2002 жылғы 25 мамырда тіркелді. Тіркеу N 200. Күші жойылды - Астана қаласы мәслихатының 2010 жылғы 29 желтоқсандағы N 421/55-IV шешімімен.

Ескерту. Күші жойылды - Астана қаласы мәслихатының 2010.12.29 N 421/55-IV шешімімен.

Астана қаласының әкімияты ұсынған 2010 жылға дейін Астана қаласында жауын су канализациясы жүйесін дамыту бағдарламасын қарап, Қазақстан Республикасы Конституциясының K951000_ 86-бабының және "Қазақстан Республикасындағы жергілікті мемлекеттік басқару және өзін-өзі басқару туралы" 2001 жылғы 23 қаңтардағы Қазақстан Республикасы Z010148_ Заңының 6-бабының негізінде Астана қаласының мәслихаты былай деп шешті:

Ескерту. Кіріспеге өзгерту енгізілді - Астана қаласы мәслихатының 2009.05.28 N 226/35-IV (қолданысқа енгізілу тәртібін 2-тармақтан қараңыз) Шешімімен.

1. Қоса беріліп отырған 2010 жылға дейін Астана қаласында жауын су канализациясы жүйесін дамыту бағдарламасы бекітілсін.

*Астана қалалық мәслихаты
сессиясының төрағасы*

*Астана қалалық мәслихаты
хатшысының міндетін атқарушы*

Астана қалалық мәслихатының
2002 жылғы 2 мамырдағы
N 157/30-II шешімімен
бекітілген

2010 жылға дейін Астана қаласында жауын су канализациясы жүйесін дамыту бағдарламасы 1. Төлқұжат

Бағдарламаның атауы:

2010 жылға дейінгі Астана қаласының нөсерлі кәріз жүйесін дамыту бағдарламасы (бұдан әрі - бағдарлама)

Бағдарламаны әзірлеуші:

"Астанагенплан" коммуналдық мемлекеттік кәсіпорыны Дамыту бағдарламасын жүзеге асыру мерзімі: 2002-2010 жылдар
Бағдарлама құрылымы:

Сегіз бөлімнен тұратын Астана қаласындағы нөсерлі кәріз жүйесін және орталықтандырылған жылумен қамтамасыз ету жүйесін дамыту бағдарламасы.

2. Кіріспе

1999 жылы "Ақмолакоммунпроект" институты қаладағы бар нөсерлі кәріздер жағдайларын зерттеу және қаланың оң жақ жағалау бөлігі аумағынан су қашырту жүйесін дамытуды ұсыну жұмыстарын орындады. Қала дәрежесінің өзгеруіне, сол жақ жағалаудағы қарқынды құрылысқа және оң жақ жағалаудағы құрылысты жаңартуға байланысты қаланың барлық аумағын қамтитын бағдарлама мен схеманы әзірлеу қажеттігі туындады, оның ішінде өнеркәсіп аймағы және қалаға қосылған кенттер.

3. Нөсерлі кәріз жүйесінің қазіргі ахуалын талдау

Астана қаласын салу барысында, жылдан-жылға нөсер суларының толуына байланысты жағдай күрделене берді. Жер бедерінің түзулігіне, тұрғын үй кварталдарының көріктендірілмеуіне байланысты, топырақтың су сүзу көрсеткішінің төмендігі аумақтарды ылғалдатып, жергілікті жер бедерінің төмендетілуіне ықпал етті, бұл жағдай қаладағы экологиялық және санитарлық ахуалды нашарлатады. Нөсер суларының көтерілуімен бұл жағдай тағы да қ и ы н д а д ы .

Нөсер сулары кәрізі жүйесімен негізінен қаланың орталық жағы қамтылған. Нөсер кәріздерінің тазарту құрылымдары қалада жоқ. "Жастар" шағын ауданындағы жалғыз жаңбыр суларын жинағыш тек су жинаушы ретінде ғана қызмет етеді, ағыстардың қажетті тазартылуын қамтамасыз етпейді. Нөсер сулары тікелей ашық су қорларына ағызылады. Нөсерлі кәріз коллекторлары бітелген, олардың көбінің түптік тазарту құрылымдары жоқ. Қаладағы бар нөсерлі кәріз жүйесінің жалпы ұзындығы 40 шақырым.

4. Бағдарламаның мақсаты мен міндеттері

Осы бағдарламаның негізі мақсаты, бекітілген бас жоспар негізінде Астана қаласында қалақұрылысын дамытумен байланыстыра отырып, нөсерлі кәріз жүйесін дамытудағы тиімді бағытты анықтау болып табылады. Қаланың 2010

жылға дейінгі мерзім аралығында санитарлық және экологиялық жағдайын жақсарту үшін бар магистралды желілерді жаңартып, жаңаларын салып, жаңбыр сулары ағыстарын тазартып ағызу құрылымдарын салу қажет.

5. Бағдарламаның негізгі бағыты және жүзеге асыру механизмі

Нөсерлі кәріз жүйесі құрылыс аумақтарындағы жер беті суларын жинауды ұйымдастырып, суларды тазарту құрылымдарына тасу арқылы Есіл, Сары бұлақ, Ақ бұлақ өзендері-табиғи су қорларына жіберуді көздейді.

Қала аумағының жер бедеріне сәйкес нөсерлі кәріз жүйесі бөлек ағызу, жинау бассейндеріне бөлінген. Жаңбыр суларын жинау және тарату әр бассейн шегінде, жеке схема арқылы жүзеге асырылады.

Әр бассейн құрамына диаметрі 300-ден 1000 мм отандық су жинағыш және транзиттік коллекторлар кіреді. Коллекторлар қала көшелері кестесіне сәйкес, жақын су қабылдағышқа бағытталынып төселеді. Су жіберу орындарында тазартқыш қондырғы орнатылады, мұнда су қалқыған қоқыстардан, салмақты заттар мен мұнай өнімдері қалдықтарынан тазартылады.

Судың жоғары бетіндегі қоқыстар локальды тазарту құрылымдарда, жаңбыр сулары кәрізіне ағызылар алдында тазартылуы тиіс.

Қаланың оң жақ жағалауы аумағының жер сулары Ақ бұлақ және Сары бұлақ, Есіл өзендерінің тазартылған және терең арналары арқылы ұйымдастырылып ағызылады.

Сол жақ жағалаудағы нөсерлі кәріз жүйесін 2010 жылға дейін дамыту Астана қаласының бекітілген бас жоспарына сәйкес, құрылыс қарқынымен, жеке учаскелердің әзірленген детальды жобаларының түзетілумен жүзеге асырылады.

Қаланың нөсерлік кәріз жүйесін дамыту Астана қаласының көшелері мен жолдарын жаңартудың 2002-2010 жылға арналған жоспарына сәйкес көзделуде. Сонымен қатар қазіргі су жинағыштарды жаңарту және жаңа су жинағыштар салу, сондай-ақ, бар коллекторларды жаңарту жұмыстары жүргізілуі тиіс.

Жаңбыр суларының ағымын тазарту үшін, тазарту құрылымдарының құрылысы коллекторларды дамыту желірі құрылысынан озып отыруы керек. Су қабылдағыштарды тазарту, Сары бұлақ және Ақ бұлақ өзендерінің арналарын тазарту және тереңдету, тазартылғаннан кейінгі су қабылдауға әзірлеу жұмыстары одан да тез жүргізіліп, 2005 жылға дейін аяқталуы тиіс. Бұл-бірінші кезектегі жұмыстар болып табылады. Транзиттік коллекторларды төсеу жұмыстары жаңбыр сулары жиналатын бассейндердің тазарту құрылымдарының дайындық шамасына сәйкес жүзеге асырылады, мұнда көшелер мен жолдарды жаңарту және салу жұмыстары көзделген.

Ұсынылып отырған нөсерлі кәріз жүйелерін салу және жаңарту бағдарламасы

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК